

## Pynkup burom u MLA ia 4 ngut ki samla ba wanrah nam kyrpang ia ka jylla bad constituency



U MLA North Shillong ba shondur bad kiba shah pynkupburom.

**Shillong, Naitung 06:** U MLA ka 17th North Shillong Constituency u Bah Adelbert Nongrum u la pynkup burom ia ki sawngut kiba la wanrah ia ki nam jop ia ka jylla, nangta ia ka constituency na ki jingiakhun bad jingiakob bapher bapher, kiba kynthup ia u samla Hebron C. Nongrum National Institute of Design

(NID) Exam All India Rank 1st (ST) da ka cheque T. 50 hajar, nangta ia u Naason R Lyngkhot Class XII HSSLC Examination 2025 Rank 8th Position in Commerce uba la ioh da ka khusnam Tablet na u MLA, nangta u Graham Kharnarbi 4th National Arms Wrestling and Para Arm Wrestling Gold Medal Left, Silver Medal Right

Hand uba ioh T. 45 hajar bad ka Miss Universe Meghalaya ka ban mihkhat sha ka Miss Universe India ka ban sa long, ka samla Sanwaka Surong da ka cheque T. 40 hajar,

Haba kren ha ka prokram u MLA u la pynpaw ka jingsngew sarong ban iohi ia ki khun samla kiba la trei shitom ban kynjoh sha ka thong bad

kyntu ruh ba kim dei ban pyrkhath than tang ha ka jingpawnam hynrei ban long kiba ngeit skhem haba ki iaid shakmat ha ki jingim.

U la pynpaw ka jingai khublei ia ki bahaiing hasem bad ki kmie ki kpa kiba la long ka jingai mynsiem. "Kine kiba wanrah ia ka nam jop kin dei ban long ka jingai mynsiem ia kiwe i pat da kaba ong ba balei kiwe i lah bad nga ngam lah," ong u Bah Nongrum.

"Ka long ka jingsarong shisha ia nga kum u MLA ban don ha kane ka constituency bad kumjuh ruh nga la don ka thong bad la pynbna ruh ha ki dorbar shnong bapher bapher ban ai ki khusnam ba kyrpang naduh ki tymmen ki kro, ki samla pass bha, kiba don jingiapher ha ki dkhotmet, kiba

ialehkai, bad kiwei na ka bynta u snem 2023-2025 ban pynsahnam ban pynsah ka burom na ka bynta jong ki. Kadei ka kamram, ka jingkitkhlieh jong nga kum u MLA ban leh eiei na ka bynta ki khun samla kiba la wanrah ka nam ka burom naba ki la trei shitom, ki la minot, ka jinglen lade ba kin poi sha ka thong ban kiew kham shajrong shuh shuh naba ki long shisha kiba la jied napdeng kiwei," ong u MLA.

Ia ka jingialang la sdang da ka jingduwai na u Rev Pastor Marshal War, nangta bad ki jingpynkup burom bad ki jingken na ki samla kiba ioh khusnam bad kumjuh ruh na kiew kiwei. Ia kane ka prokram la pynlong ha iingsah u MLA ha Jaiaw Lumsyntiew.

### Kem ka CBI ia u Project Director ka NHAI halor

jingkhynra, ka CBI ka la kem ia u Project Director lem bad argut kiwei pat, bad ka jingleit khynra kala ia id shakmat ha ki iingsah jong ki. Ka jingtohkit mynta kala ia id shakmat.

### Ngansaia kren bad u Myntri Rangbahban

Haba kren sha ki lad pathai khubor naka liang u Myntri u la ong ba u su buh daka jingthoh sha u Myntri Rangbah ka jylla Meghalaya bad ruh ban don ka jingiakynnduh bad ka jingurip lang naki bor jong ka Meghalaya bad Assam, namar ki karkhana kiba pynjaboh ia ka thaini Byrnihat kim dei tang naka jylla Meghalaya hynrei ki dei ruh na Assam, khnang ba yn lah ban tehlakam ia ka jingjaboh bad ban peitngor ia ki karkhana ban ia da iaki paid nongshong shnong ha katei ka thaini.

## Kumba la kular sha ki paidbah ngin ym shah da

bad kumjuh ruh ka jingweng ia kata ka jingiasylok ne ka Consultation na ki Hima, ki dorbar shnong ne dorbar raid, u EM u la ong ba haba ia dei bad ka jingbuh pud ban ai jaka ne kata ka Land Ceiling ka long ban tehlakam na ka jingsyntuid noh ki jaka paidbah tang sha ki riew shimet ban thied katba mon, bad halor ka jingweng noh ia ka jingdonkam ban iasylok shwa ban ai ia ki jaka ka mut tang na ka bynta ban pynsted ia kane ka jingmynjur ia ka Bill, namar lada hap ban leit iasylok sha baroh ki shnong ki thaw, ki hima, ki raid kan sa shim ia ka por katba ki jaka pat ki la nanglut nanglut, kumta la wengnoh ia kane ka kyntien Without Consultation hynrei pat u la ong ba ki dorbar shnong ki hima ki don beit la ka jong ka bynta ban leh.

Lah ban ong ba ka jingwengnoh ia ka kyntien "consultation" ka la mih ka jingkyntoh ia ka Bill ha kaba la kynnoh ba ka KHADC ka la pynduh bor ia ki nongsynshar shnong kum ki Dorbar Shnong bad Hima ia ka bynta kaba kongsan haba ia dei bad ka jingia ai jaka.

U Powell Sohkhlet u la ong ba ka kyndon kaba ia dei bad ka jingiasylok hapoh ka Section 16 jong ka principal Act ka pynneh kyrpang halor ka jingbuh ryntih ia ka jingai jaka, kaba dei ka kam kaba la dep ban don bynta ban iasylok bad ki nongsynshar hima bad ki dorbar shnong naduh u snem 2021.

U la ong ba ka jingkulmar ka mih na ka daw ka jingwengnoh ia ka kyntien 'consultation' na ka amendment.

U la ong ba ka KHADC kam don ka jingthmu ban pynduh ia ka bor ki khlieh nongsynshar kum u Dorbar Shnong, Dorbar Raid bad Dorbar Hima, hynrei kin ia i bteng ban trei ia ki kam kiba kongsan haba ia dei bad ki jaka puta, kynthup ki jingpynithuh bad ki jingai jaka.

Lyngba kane ka ain ka jaka ba duna tam ba lah ban ai ka long na ka 2 akar na ka bynta ki homestay sha ka 15 akar ia

ki university campus.

Na ka bynta ki Karkhana, resort/hotel ka land ceiling ka dei 4 akar, ki sports academy/stadium/sports complex, religious institution, commercial establishment kadei 5 akar bad ki hospital/nursing home bad wellness centre/cash crop plantation ka ceiling ka dei 12 akar.

Haba phai sha ka jingdonkam kane ka Bill u Bah Sohkhlet u la ong ba lada la ioh jingmynjur ia kane ka bill kan long ka jingpyrto ia ki pateng ban wan haba ia dei bad ka jingshgaii ka khyndew ka shyiap.

Katba u Bah Makdoh uba long u Nominated MDC u la ong ba ka jingwan rah ia kane ka Bill ka long ban pyndep jingkular ka VPP sha ki paidbah ban ia da ka khyndew ka shyiap da kaba bynrap ruh ba bun na ki ri raid ki la kylla long sha ki jaka ki riew shimet ne ki jaka ki heh spah, kumta kan long kaba ma lada ym lah ban tehlakam lypa naduh mynta ioh ki pateng ban wan kin ym ioh jaka ne khyndew ka shyiap la jong.

Ha kawei pat ka liang, ha kaba ia dei bad ka jingkwah ka seng KSU ban wanrah da ka Resolution hapoh iingdorbar KHADC ban ym shah shuh syndon ban tih Uranium ha Domiasiat bad kumjuh ruh halor ka kynnoh ba don ki heh spah ne ki nongmihkhat kiba thmu ban wanrah biang ia ka UCIL, u Bah Sohkhlet u la ia ithuh ba ka EC kan sa pynbeit ban kynduh ia ka KSU bad kumjuh ruh ban pan ia ki kaiphod ha shwa ban pynlong ka jingtohkit kaba bniah halor kane ka kam bad kumjuh ruh u EM u la ong ba ka EC jong ka VPP kan ym shah da lei lei ruh em ban khlong ia u Uranium sha katei ka thaini Wahkaji bad ka EC kan ym peit satia ruh ia ka khmat lada poi ki jingpan jingbit, naba ia kane ka jingpyrshah la lam khmat hi da u President ka Seng Voice of The Peoples party (VPP) u Bah Ardent Miller Basaiawmoit naduh mynshwa bad haduh mynta ruh.

## Ym pat lapdien ia ka longkmie bajah na shnong Jakrem



Ki jaka ba ki paidbah jong ka shnong Jakrem ki la pyrshang ban wad ia ka longkmie ba la jah.

**Mawkyrwat, Naitung 06 :** Ka jingjah jong kawei ka longkmie kaba kyrte ng ka Joit Kharlyngdoh, 76 snem karta na ka shnong Jakrem, South West Khasi Hills District ha ka kynjoh mynta la 2 sngi ha kaba haduh mynta ym pat shym la lap dien satia.

Kumban shu pynkynmaw ba kane ka longkmie, ka la jah ha ka 4 tarik u Naitung, 2026 ha ki por kumba 6 baje janniet bad naduh kata ka por ka khlem wan phai iing shuh. "Ha ka por ba ka jah ka la tap moh da ka jaini kyrshah, ka phong ruh ia ki juti ar rong

(shilliang da kawei ka rong bad shilliang da kawei ka rong).

Katkm ka jingiathuh jong u Myntri Shnong Jakrem, u bah Pascal Wahlang u la ong ba mynta ka sngi ka 6 tarik u Naitung, 2026 na ka liang ki paidbah ki la iamih shnong ban wad ha kylleng ki jaka jong ka shnong kata ha ki jaka ba long khlaw, ki jaka ba don ki pung bad kiwei de ki jaka hapoh shnong hynrei da ka jingpyrshang jong ki ruh ym pat shym la lap dien satia.

Kum ka Dorbar Shnong,

kan dang ia pyrshang bad thaw ki lad ki lynti khnang ban shem ia kane ka longkmie bad kumjuh ruh ka kyrpad ruh ia ki bor jong ka ain ba kin ai lem ka kti ka mon ka kti ka diang ban wad ia kane ka longkmie.

Namarkata, sa shisien ka Dorbar Shnong buh ka jingkyrpad ba lada don kino kino kiba iohi ne lap ia kane ka longkmie kin ban pyntip klo katba lah sha ki Rangbah jong ka Shnong Jakrem ne phone ha kine ki nombor: 8787741202, 8837072958, 9366050946.

## Na ki 1607 tylli ki iingskul sorkar, palat 1391 ladeptei thymmai bad maramot

ka tnum iing, ki kynroh, ki mala, ki jingkhang, ki jingkhang iit bad kiwei pat ki jingdonkam ba kongsan ha ki LP bad UP School. Katba ki jingte i thymmai bad kiba la pynneh la ai shuh ia ki kamra klas, ki tiar ba pyndonkam kum ki jaka shong, ki library bad kumjuh ki jaka leit bar kiba paka.

Ka Sorkar ka la ong ba ia kane ka jingpynbha la leh ha ki bynta bapher bapher.

La iaithuh ba ha ka Phase -I, ki la don haduh 198 tylli ki jingte i thymmai bad kiba la kyntiew kyrdan na ka bynta ki LP bad UP School. Ha ka Phase II, la pyndep 93 tylli na ki 100 tylli ki LP School thymmai. Ha ka Phase III, nalar ka

jingmaramot ia 1,391 tylli ki LP School, la pyndep ruh 62 tylli na ki 117 tylli ki jingte i LP School thymmai kiba la shimti. Katba ha ka Phase IV, kaba kynthup ia 186 tylli ki jingte i thymmai ia ki skul LP bad Secondary School , kaneka kam ka dang don ha ka bynta ban khot tender.

Haduh mynta, ki la don palat 2,000 tylli ki skul LP bad UP ba la shimti hapoh ka Mission Education, na kiba 1,744 tylli la dep pyndep bad 278 tylli ki dang ia id shakmat.

Ka kyrwoh ka kdew ruh ba ki Upper Primary School ruh ki la shah kynthup hapoh kane ka prokram, da kaba ai nuksa ia ka Government UPS Mowkaiaw ha West Jaiintia

Hills bad ka Nogorpara Government UPS ha South West Garo Hills.

Ki heh ophisar ki la ong ba ka jingiaid shaphrang jong man la kawei pa kawei ka skul la buh jingthoh lyngba ki dur ba la geo-tag bad time-stamp ban pynthikna ia ka jingiatrei kaba shai bad kaba lah ban peit bniah.

Da kaba kdew ba Meghalaya ka don jan 15,000 tylli ki elementary school, ka Sorkar ka la ong ba ka jingpynkylla ia ka rukom treikam bad ka jingpynbha ia ki skul ka dang ia id ha ka rukom kaba la pynkreh bha bad ha ki bynta bapher bapher, ym ban pyndep lut ha kajuh ka por.

## Ka Sorkar ka don ha syndah bad ki paidbah yn ym shah tih Uranium ha Meghalaya : Sniawbhalang Dhar

ka long halor ka jingkyntoh jongka KSU ba ki don ki MLA kiba rim kiba kwah ban thied jaka ha ka dor kaba tad bha ha Domiasiat bad kine ki pyrshang ruh ban pynsngewthuh bakla ia ki paidbah ba kin pdiang ban tih Uranium.

"Hooiid ngam ioh jingtip shaphang kata hynrei kumba ngi la pynpaw naduh kaba sdang ngin ym pdiang ne shah iano iano ruh ban tih ia u Uranium hapoh ka

jylla" ong u ma Sniawbha.

Halor kine ki jingkyntoh ba ki don kita ki MLA ba rim ba thmu thied jaka ha Domiasiat, u la ong ka sorkar kan sa tohkit bniah ia kane kam.

"Lada ka don shisha kum kata kumba la kynnoh ka sorkar kan tohkit bniah bad lada lap ba ka don shisha ka jingthmu ban pynkohnguh ia ki paidbah ban tih Uranium ka sorkar kan leh da kaba tyngheh kat

kum ki kyndon ain" ong biang u Symbud Myntri Rangbah.

Halor ka jingkyntoh ki trai shnong ba ka sorkar ka leh klet ia ka roi ka par ha ka thaini u Ma Sniawbha u la

kyntait ia kane da kaba ong "Kata ka long kaba bakla, namar ha kano kano ka jaka ba ka sorkar ka wanrah ia ka roi ka par kam don kano kano ka jingthmu ha lyndet jongka roi ka por. Ka roi ka par ka mut ka roi ka par jong

kano kano ka thaini namar ka sorkar kam thmu ban wanrah ia ka roi ka par tang ha katei ka thaini ba don u Uranium hynrei ha baroh kawei ka jylla bad ka peit ruh ba kan long mar kumjuh.

Halor ka jingkyntoh ba sniew palat ka surok bad bym biang ka jaka ai jingsumar u ma Sniaw u la ong ba ka sorkar ka pyrshang katba lah ban pynbiang ia ki surok bad ia ki jaka ai jingsumar bad ia

kane ruh yn leh ha baroh kawei ka jylla.

"Hooiid ka surok ka don bad ka sorkar ka pyrshang katba lah ban pynioh ia ki surok kiba bha ban suk ka leit ka wan Hooiid ngim lah ban ai ia ki surok kiba bha tam sha baroh hynrei ka sorkar ka pyrshang hi katba lah ban pynbiang ia ki surok ki ban pynsuk ia ka leit ka wan bad ka kit ka bah jong kano kano ka thaini" pynkut u ma Sniawbha.

## Da ka Komiti thaw ka MSPCB ban weng ia ka jingjaboh ha Byrnihat bad kiba leh tam ki dei ban ngat

jingeh ba ki paidbah ki iakynduh ha kaba ia dei bad ka jingjaboh kaba shyrkhei bala kynnoh ba ka mih na ki karkhana kiba don ha EPIP Byrnihat bad dang shen kaba la ioh nam ruh kum ka jaka ba jur tam ka lyer jaboh.

Ia katei ka jingialang la pynlong ha IB jong ka MeECL kaba don ha Byrnihat ha kaba la sakhi ruh da ka jingdonlang u R Nainamalai Chairman ka MSPCB, u Dr. Abhishek Saini Deputy Commissioner ka Ri-Bhoi, u Giri Prasad Superintendent of Police ka Ri-Bhoi, u Dr. DH Chyrmang Member Secretary ka MSPCB, ki ophisar bad scientist naka MSPCB, MIDC, PWD bad kumjuh ruh ki nongialam shnong hapoh ka lama ka Synjuk ki Rangbah Shnong Byrnihat Area.

Ha kane ka jingiakynnduh lang kala don ruh ka jingiatiai hapdeng ki nongialam shnong kiba la pynpaw iala ki jong ki jingeh ha kaba kila kynnoh ruh ba ki ophisar ka tnad MSPCB

kim iohi ia ki jingeh jong ki paidbah namar ki leit ki wan da ki kali ba don AC bad kim iohi kaei kaba ki paidbah ki mad namar kitei ki karkhana tang shu ioh jingtip ba don ki ophisar ka MSPCB ba wan kila nang kumno ban pynduna ia ka lyer jaboh kaba mih naki karkhana, bad nalar kata kila kynnoh ruh ba ki jingthung jingtep kim long shuh bad ki paidbah ki ioh pang khamtam ka TB bad bampong ka jur ha katei ka thaini bad teng teng lei ka wan ka jingsma kaba shyrkhei na kitei ki karkhana.

Na ka liang ki ophisar ka MSPCB hadien ka jingiatiai bad pyni ia ka jinglong jingman ka thaini Byrnihat kila pynpaw kim shym la shongthaid ban ia khun ia katei ka jingeh bad khnang ban ioh ka jingujor kaba markhmat naki paidbah ne ki nongialam shnong naka liang ki ophisar katei ka tnad kila thaw ruh ia kawei ka Committee ba ki paidbah kin

ioh ban phah beit ia ki jingujor lyngba ki dur bad ki video sha ka tnad MSPCB khnang ba yn ioh leh ia kaba donkam bad hakajuh ka por la donkam ruh ban buh da ka Regional Office haka thaini Byrnihat ban pynsuk ba ki ophisar ka tnad MSPCB kim donkam shuh ban wan naduh Shillong ha kaba naka liang u Myntri u la kular ban shimkhia ban iakren bad u Myntri Rangbah halor katei ka jingdonkam.

Katba ka kynhun jong ka Byrnihat Industries Association kila pynpaw ba baroh ki dur ki dar kiba mih haki lad pathai khubor ki dei kiba ialam bakla khlem da pynshisha bad pynthikna ba ka Byrnihat mynta kam dei shuh kaba nyngkong haka jingjaboh namar kum ki karkhana kila ia leh katba lah ban pynduna hynrei kaba bun haki ka jingjaboh ka dei kaba wan na Assam namar ki karkhana ki don mar syndah ha khappud ka Meghalaya bad Assam haka

thaini Byrnihat.

Haba kren sha ki lad pathai khubor hadien ka jingialang naka liang u Bah Sosthenes Sohtun kum u Myntri sorkar u la ong ba ka Byrnihat kam dei ka sien ba nyngkong ba kala mih kum ba ka jaka ba jaboh tam, ha kaba kane liang ki ophisar ka MSPCB bad wat ki karkhana kila pyni iala ki jong ki jingbatiai kumno ka lyer ha Byrnihat bad wat ki nongialam shnong kila pynpaw ia ka jingsngew jong ki ha kaba ia dei bad ka jingjakhlia bad ka koit ka khiah kaba ktah ia ki nongshong shnong ka thaini Byrnihat.


Shuh shuh u la ong ruh ba ha katei ka sngi la ioh ruh ban iatai ba ki karkhana kim dei shuh ban pyntuid jaboh sha Wah Umtrew bad kumjuh ruh haba ia dei bad ka jingsma kaba mih la kyrpad ia ka tnad MSPCB ba ki dei ban pynlong ka jingwad bniah ban lapdien mano ba pynmih ia katei ka

jingsma.

U la iaithuh ruh ba naka bynta ban tehlakam ia ka jingleh tam jong ki karkhana, naka liang ka MSPCB kala thaw ruh kawei ka Committee bad ki nongialam shnong ba lada ki don kino kino ki karkhana kiba pynkheii ain ki lah ban shondur bad ring video bad ban phah sha ka kynhun ka MSPCB ban ioh leh ia kaba donkam.

Shuh shuh ha kaba ia dei bad ka jingdawa ban don ka Regional Office ka MSPCB ha Byrnihat khnang ban lah ban peitngor ia ka jingmih ka tdem jakhlia, naka liang u myntri u la kular ban buh ka jingthoh sha u Myntri Rangbah bad kumjuh ruh ban don ka jingiakynnduh bad jurip lang ruh bad ki bor jong ka Assam namar ki karkhana ki don bun ruh sha Assam ban long ka jingia da ia ki paid nongshong shnong namar ka thaini Byrnihat kam dei tang ha Meghalaya, u la bynrap.

## Bthah u Myntri ia u DC ban wad bniah bad ai kaiphod haba ia dei bad ki



Sosthenes Sohtun Myntri sorkar ba dei ruh u MLA ka Jirang u la bthah ia u Deputy Commissioner ka Ri-Bhoi District u Abhishek Saini ba ka tnad ka koit ka khiah ka dei ban pynlong ka jingwad bniah bad ka jingtohkit halor katei ka jingujor ki nongialam shnong. Bun na ki nongialam

shnong kila pynpaw ba katto katne ki paidbah ki don hapdeng ka jingthiah pang, bad kila kynnoh ba kane ka jingpang ka lah ban dei beit naka jingjaboh ka thaini Byrnihat namar ka jingpum pud haba ring mynsiem bad ka jingsop ki tdem iong sha ki iing brieve kiba wan na kitei ki

karkhana.

Na ka liang u Myntri u la ong ba ka tnad ka koit ka khiah ka dei ban pynlong ka jingwad bniah bad kumjuh ruh ban ai ka kaiphod haba ia dei bad katei ka jingkyntoh, la kitei ki jingpang ki dei naka jingjaboh ka lyer ha katei ka thaini ne kim dei.

## Ha u DC-EJHD uxor ka JNC-KC bym treikam bha ka jingsam jingbam ka SPN hapoh ka Distrik

bad ym don jingbam ba la shet ne jingbam step na ka bynta ki khun rit, kane kam dei ka "jingbakla kaba rit" ha ka liang ka jingioh myntoi hynrei ka dei ka jingkyntait beit ia ki hok ba kongsan jong ka jingbam na ka bynta ki khynnah bad ki longkmie ba armet".

"Ha ki jingiakren ka seng bad ka CDPO, la pyni ba ki jingpynbiang bad ki jingpynrung pisa la kynnoh ba ki poi sha ka distrik tang shisien ha ki ar ne lai bnai, kaba pynlong ia ka ban ym lah ban bud ia ki kyndon, lada kane ka long kaba shisha, ka pynpaw ia ka jingbymlah jong ka rukom treikam ha ka kyrdan jong ka jylla/district bad ruh lada ka long kaba bakla, ka buh jingkylli kaba khia halor ka jinglong hok ne jingiaid beit jong ka jingpyntreikam bad jingai jingtip ha ka jaka, ha baroh ar tylli ki khep, dei ki khun khynnah bad ki longkmie jong ka East Jaiintia Hills kiba shem jingeh" ong u kyrwoh.

"Ka JNC ka dawa ia ka jingtohkit halor ka jingpyntreikam ia ka SNP ha East Jaiintia Hills District, kynthup ia ka jingkheii jingdiah kaba man u bnai ia ki mar bam ba la ioh na ka jylla bad ki jingsam ba la leh sha man la ka jaka ba don ki Anganwadi. Ngii kyntu ia u Deputy Commissioner ban pynthikna ba ka jingkitkhlieh kan long kaba la buh thikna la ka long ha ka kyrdan district ne jylla, bad ba dei ban shim ia ki lad ban pynbeit mardor khnang ba ka skhim kan treikam beit kumba la kular ha ka policy, ym tang ha ka kot jingthoh".

"Ngi kren shai ba ka seng kan ia i budden bha ia kane ka kam. Ka jingdawa jong ngi ka long kaba shai bad kaba ym dei ban shim sting, khnang ba ki khynnah bad ki kmie haka thaini ki dei ban ioh ia ka jingbam bad ka jingpang kaba long ka hok jong ki, man la u bnai, ha man la ka shnong" pynkut u kyrwoh na ka JNC Khliehriat Circle.